



# ROVVILTNEMNDA I REGION 1

## Vest-Agder, Rogaland, Hordaland og Sogn og Fjordane

### Adresseliste

Dykkar ref:

Vår ref.:  
2013/886

Arkivnr.:  
433.52

Dato:  
12.06.2013

### **Vedtak om betinga kvote for skadefelling av rovvilt i region 1 2013/2014**

Rovviltnemnda for region 1 vedtok på møte 29.mai 2013 kvote for betinga skadefelling av rovvilt for perioden 01.06.2013 – 15.02.2014, jf sak 06/13. Frå nemnda møtte leiar Noralv Distad, Oddny Omdal, Marit Barsnes Krogsæter og Benthe Bondhus. Sveinung Valle og Sveinung Stensland melde forfall.

Rovviltnemnda skal fastsette kvoter for betinga skadefelling som fylkesmennene kan nytte, jf naturmangfaldlova §18 og Forskrift om forvalting av rovvilt (Miljøverndepartementet, 2005) §§8 og 9.

Dette vedtaket blir lagt ut på våre heimesider [www.fylkesmannen.no/rogaland](http://www.fylkesmannen.no/rogaland) og på rovviltnemndene sine sharepointsider.

#### **Vedtak**

*I perioden 01.06.2013 til 15.02.2014 kan fylkesmennene i region 1 nytte desse kvotene for betinga skadefelling:*

Art	Tal
Ulv	3
Bjørn	2
Gaupe	4
Jerv	4

*Nemnda kan til ein kvar tid trekke kvotene tilbake dersom ny kunnskap gjer det naudsynt.*

*Iverksetting av løyva skal vere i samsvar med gjeldande forskrifter og forvaltingsplanen for regionen.*

*Nemnda sitt vedtak kan påklagast innan 3 veker frå vedteket er motteke. Klagen skal handsamast av Miljøverndepartementet, men sendast til rovviltnemnda.*

Postadresse:  
Rovviltnemnda i region 1  
c/o Fylkesmannen i Rogaland  
Miljøvernnavdelinga  
Postboks 59  
4001 Stavanger

Leiar for rovviltnemnda:  
Noralv Distad  
Postboks 53, 5741 Aurland  
Telefon: 91374976  
noralf.distad@sfj.no  
<http://www.fylkesmannen.no/rogaland>

Sakshandsamar:  
Anders T. Braa, viltforvaltar  
Telefon: 51568914  
[anders.braa@fmro.no](mailto:anders.braa@fmro.no)

Grunngjeving

Kvoten for bjørn og gaupe er auka utover forslaget til sekretariatet. Nemnda grunngjев dette med at bestandssituasjonen er tilfredsstillande for desse artane. Auka av kvotane vil ikkje føre til at artane blir meir truga.

Nemnda syner elles til saksutgreiinga frå sekretariatet.

Med helsing

Noralf Distad  
leiar for rovviltnemnda

Adresseliste pr epost  
Fylkesmennene i Hordaland, Sogn og Fjordane og Vest-Agder

Kopi pr epost  
Rovviltnemnda region 1  
Mattilsynet, regionkontora i region 1  
Direktoratet for naturforvaltning

Vedlegg  
Saksutgreiing frå sekretariatet

## **Saksutgreiing frå sekretariatet**

**06/13: Fastsetting av kvote for betinga skadefelling i Region 1 for perioden 01.06.2013 – 15.02.2014.**

### ***Saksopplysningar***

Etter forskrift om forvalting av rovvilt §8 skal rovviltnemnda fastsette kvote for betinga skadefelling av jerv, bjørn, gaupe og ulv til fylkesmannen. Ei føresetnad er at vilkåra i §7 er oppfylte. Løyva kan nyttast i akutte skadesituasjonar for å hindre skade på bufe. Løyva kan nyttast i tidsrommet 01.06.2013-15.02.2014.

Vilkåra i §7 er i dette høvet krav om at vedtaket bygger på bestandsdata frå nasjonalt overvakingsprogram for rovvilt. For bjørn og ulv skal nemnda ta utgangspunkt i siste års yngling. For jerv og gaupe skal ein bygga på gjennomsnitt av dokumenterte data om ynglingar dei siste 3 åra. For Region 1, som ikkje har nasjonale mål om årlege ynglingar for nokon av desse artane, er desse måla ikkje avgrensande for nemnda sitt høve til å treffe vedtak om felling. §7 legg til grunn at nemnda følgjer forvaltningsplanen i sine vedtak, til dømes om felling. Kunnskap om rovviltnemndene og om skadesituasjonen skal og ligge til grunn for vedtak. Etter vedtak om kvote skal all irregulær avgang av rovvilt belastast den same kvota.

Rovviltnemndene sitt vedtak etter §8 er eit einskildvedtak som kan pålagast til MD innan 3 veker frå vedtaket er gjort kjend. Fylkesmennene sine vedtak om iverksetting av betinga skadefellingsløyver kan og pålagast. DN er klageinstansen i desse høva.

### **Jerv**

Nemnda vedtok ei kvote på 5 jervar i regionen til lisensfellingsperioden 2012/2013. Av 57 felte jervar i lisensfellingsperioden i landet blei ingen felte i region 1. Etter lisensfellingsperioden 15.02 er det pr 21.05.2013 tatt ut 3 hannar og 1 tispe i Luster kommune på ekstraordinært vedtak om skadefelling i regi av SNO. Det er minst 2 dyr (ein av quart kjønn) som har vore innom Sogn i år og som framleis er i live. Det er stadfesta gjennom DNA-analyse. I Suldal i Rogaland er det funne spor av jerv seinast 03.04.2013. Det er truleg individ 240, som har vore i området med jamne mellomrom sidan 2007.

Tabellen under syner dokumenterte/antatte ynglingar i landet siste 3 år.

Noreg	2010	2011	2012
Overlevande ynglehi	54	49	51
hiuttak	12	9	17


Nasjonalt mål for ynglande jerv er 39 pr år. Så langt i år er det dokumentert/antatt 32 ynglingar av jerv i landet. 4 av dei er i Oppland. 2 av ynglingane i Oppland er 50-60 km frå grensa mot Sogn. Pr i dag er bestanden over nasjonalt mål for jerv.

### **Gaupe**

Det blei felt 4 gauper i jaktpérioden i Vest-Agder i 2013. Jaktpérioden var i februar og mars, og det var kvotefri jakt i heile regionen. Gaupe finst truleg spreidd i alle fylka i regionen.

I landet blei det i år felt 77 gauper i kvotejakta i 2013. Av desse var 27 hoer. Nasjonalt mål er 65 årlege ynglingar i landet. Prognosene for bestandstorleik i landet før jakt i 2014 under er

basert på at tal familiegrupper før jakt i år er om lag på samme nivå som i fjor (69). Figuren under syner at det er sannsynleg at bestanden før neste jaktsesong vil ligge over eller om lag på linje med nasjonalt mål.



**Figur 9.** Prognose for antall familiegrupper på landsbasis før jakta i 2014 gitt tre ulike senarioer for uttak av voksne hunndyr under jakta i 2013 (henholdsvis 15, 30 og 45 voksne hunndyr). Sannsynligheten for å falle under bestandsmålet på 65 er hhv 15 %, 34 % og 58 % for de tre senarioene. Punktestimatene (sort prikk) er hhv 79, 70 og 62 familiegrupper. Orange strek angir 50 % CI og sort strek angir 75 % CI. Stiplet horisontal linje angir bestandsmålet på 65 familiegrupper (NINA Rapport 859)

### Ulv og bjørn

I år er det felt ulv i både Lardal i Vestfold og Drangedal i Telemark. Begge har vore innom Agderfylka tidlegare. I 2013 er det identifisert 1 ytterligare ulv ved hjelp av DNA i Froland, Aust-Agder, ingen i region 1.

I 2012 blei det bekrefta 5 ynglingar av ulv i territoriar felles med Sverige, i tillegg til 3 reine norske ynglingar. 3 heilnorske ynglingar tilsvavar nasjonalt bestandsmål for ulv. Svært mange av alfadyra (hannar og tisper som yngler) har forsvunne i Noreg dei siste 3 åra, heile 8 av 13. Truleg er årsaka ulovleg felling. 64-77 ulvar er stadfesta i Noreg så langt i sesongen.

Det er ikkje dokumentert førekommst av bjørn i region 1 i år. I landet blei det frå DNA påvist 137 (51 binner) ulike bjørnar i landet i 2012, ei nedgang frå 151 i 2011. Truleg representerer desse funna mellom 6 og 7 ynglingar (Bioforsk rapport nr 47, 2013). Det er langt frå det norske bestandsmålet på 13 (15) årlege ynglingar, jf rovviltforliket i 2011.

### Erstatning for rovviltp

Erstatningsoppgjeret for tap av bufe til rovvilt syner desse tala i form av tal tapte sau og lam

som det er utbetalt erstatning for etter beitesesongen 2012, til saman 792 dyr:

	Gaupe	Jerv	Bjørn	Ulv	Kongeørn	Uspesifisert
Sogn og Fjordane	24	34	0	0	56	46
Rogaland	0	44	0	0	81	0
Hordaland	0	0	0	0	37	0
Vest-Agder	0	0	0	405	53	13
Totalt	24	77	0	405	227	59

### ***Vurdering***

Ekstrordinært uttak av jerv i Sogn og Fjordane har vore høgt i år, og tilsvrar nesten restkvota etter lisensfellingsperioden. Likevel står det att minst to dyr som truleg opererer i grenseområda mellom Sogn og Oppland. 1 hannjerv er framleis stabil i området Aust-Agder, Hordaland og Rogaland.

Bestandstorleiken for landet målt i årlege ynglingar er over det nasjonale målet.

Bestandssituasjonen for den Vest-norske delbestanden er likevel bekymringsfull på grunn av stor avskyting og relativ isolasjon frå jervområda i nord og aust. Det vil framleis vere naudsint å ha ei kvote for betinga skadefelling. Vi foreslår ei kvote på 4 dyr som i fjar. Lisensfelling skal vere viktigaste reidskap for bestandsregulering. Kunnskap og interesse for lisensfelling bør prioritast høgt.

Det vil og vere rett å ha ei kvote for å sikre raskt uttak av gaupe, dersom det er fare for skade og det er høve for det. Vi foreslår ei kvote på 2 gauper som i fjar.

Vi vil foreslå ein kvote på 3 ulvar og 1 bjørn. Ulvebestanden er særleg utsett i høve til innavlsproblematikk. Det er difor viktig å vere så trygg som råd på at førekommst av ulv ikkje er genetisk viktige individ før vedtak om felling. Bjørneførekommstane er få i vår region, og bestanden er langt under målet. Vi meiner difor kvote på 1 dyr er tilstrekkeleg.

Oppdatert kunnskap om bestandane frå SNO og rapport om bestandsstatus frå Rovdata bør og vurderast i høve til kvotefastsettinga på møtet. Rovdata skal rapportere samla status for rovviltartane pr 15. mai, men så langt er den ikkje tilgjengeleg.

Alle offentlege saker som vedkjem naturmangfaldet skal vurderast opp mot naturmangfaldlova §§8-12 før vedtak, jf §7.

§8 Kunnskapsgrunnlaget er særskilt godt når det gjeld dei norske rovviltnestandane.

Vurderingane over har tatt utgangspunkt i bestandsstatus for alle dei 4 rovpattedyra på nasjonalt nivå. Kvoteforsлага er ikkje – målt etter dei nasjonalt fastsette bestandsmåla – trugsmål mot langsiktig overleving. Våre vurderingar tar likevel høgde for at heile region 1 er prioritert til beiteføremål etter prinsippet om differensiert forvalting. Forsлага om kvote er skjønnsmessig basert på ei realistisk vurdering av behov for uttak i ytterste konsekvens, samstundes som at dei ikkje representerer ei utfordring i høve til ei langsiktig overleving.

§9 Føre-var-prinsippet kjem i avgrensna grad til anvending her. Det er likevel eit spørsmål om Region 3 sin del av det nasjonale målet for jerv kan bli vanskeleg å oppnå med å legge til rette for yngling opp mot Sogn. Jervar frå vest-Oppland vil etter røynslene ofte trekke vestover, der dei risikerer å bli felte. Det er elles viktig at fylkesmennene nyttar føre-var-prinsippet ved

vedtak om felling, til dømes når det gjeld viktige individar av ulv.

§10 Økosystemtilnærming og samla belastning er vurdert ved fastsetting av den overordna rovviltpolitikken. Kvoteforslaga fører ikkje til endringar i dette.

§11 og 12 er ikkje relevante vurderingstema i dette høvet.

**Framlegg til vedtak**

I perioden 01.06.2013 til 15.02.2014 kan fylkesmennene i Region 1 nytte desse kvotene for betinga skadefelling:

Art	Tal
Ulv	3
Bjørn	1
Gaupe	2
Jerv	4

Nemnda kan til ein kvar tid trekke kvotene tilbake dersom ny kunnskap gjer det naudsynt.

Iverksetting av løyva skal vere i samsvar med gjeldande forskrifter og forvaltingsplanen for regionen.

Nemnda sitt vedtak kan påklagast innan 3 veker frå vedteket er motteke. Klagen skal handsamast av Miljøverndepartementet, men sendast til rovviltnemnda.